
 EW NAMOPUNG

A forata ewe Truk Coconut Authority me ren pwan ekkoch popun.

EPWE PUNG ME REN EWE LEGISLATURE-UN CHUUK PWE:

Tetten 1. Forutan. Sapun 1, Itenap 34 iei a forata me kapachonong non ewe Pukenapen Annukun Chuuk ren an epwe iei ititiin:

"Sopun 1.

Truk Coconut Authority

Tetten:

1. Affatan Popun
2. Forutan ewe Authority
3. Ofesnapan
4. Mesenapan Pochokkun
5. Nemenemen ewe Authority
6. By laws
7. Chek
8. Kepichinen seni takises
9. Niwinimangen ewe Authority esapw an Muun
10. Repotun Iteiten Ier
11. Kirikirangaw/Churi ngeni ewe Authority

Tetten 1. Affatan Popun. Ewe Legislature-un Chuuk mei sinei pwe met asenipaen ewe ira nu, ew me nein ekkewe anen moni tonong ngeni chomongun aramasen Chuuk. Pokiten niwinin taka me non ekkewe nenien kamo taka non fonufan non ekkewe ier mei chok sisiwin non sakkopaten niwin, mei murinno an epwe wor anen tumunun me anamota ei auchean pekin tufich. Popun ei Sapun pwe epwe forata ew an anen pekin ren mwokutukut-un fonu me amomo fan asengesin win, ekkewe mettoch ewe ira nu mi asenipato an epwe tumunuochu me anomwota ewe taka.

Tetten 2. Forutan ewe Authority. Iei a forata ewe authority an muun epwe iteni ewe Truk Coconut Authority iei sipwe eita ngeni ewe Authority an epwe kamono, amwokutu, forata me amomo oil seni taka me ekkoch mettoch taka mi esenipato, nu me ewe ira nu epwe anonnoeochu niwinin taka me non ewe State an Chuuk.

Tetten 3. Ofesinapan. An ewe Authority ofes epwe nom won Moen, iwe ewe Authority epwe wisen, fan asengesin met epwe ku ren pekin annuk

epwe pusin tumunu me anenia non pusin an pochokkun pokiten i pusin chon ewe pekin. Ewe Authority epwe pwan tongeni forata ekkoch ofes non ekkoch neni ika pwe a mefi me sinei namwotan me auchean ngeni mwokutukutun an angang.

Tetten 4. Mesenapen Pochokkun. Ewe Authority epwe annomu ren ekkei mesenapen pochokkun:

(1) Epwe mesenes ren kammo, forata me forun taka, oil me pwan ekkoch mettoch asenipaen taka, nu ika ewe ira nu.

(2) Epwe mooni ika angei ngeni amwokutu tumunun lease-ei anomono me forata nenien forun, imwen isois, pisekin sakkun mwesin expellers, grinders presses, filters, cooker, tanks me pwan ekkoch mettoch ika pisekin aea, mettoch mi tongeni formong non watte pisekin non imw, pisekin aea non ofes, pisekisekin me pwan ekkoch pisek, pisek masowen me non mi arap-ngeni angangen forutan, isoisen me anomoon oil me pwan ekkoch mettoch mi feitto seni taka, nu ika fen ewe ira nu.

(3) Epwe emwirinono me fori effefeitan fonu ika wesewesen fonuen ika fonu ewe Authority mi chok foffonu ren lease.

(4) Epwe pachenong ika forata ekkoch contracts, lease etipewin ren cooperative, ika pwan ekkoch angangen pisnis ika epwe namwot ngeni mwokutukutun an angang pwan ekkoch napanap ika epwe weweoch.

(5) Epwe kamo, amomo, isois an epwe manaw me kutta pekin tumunun non tichikkin nonomun kapachenong ren ewe pochokunen puang won och pisek ika mettoch fan asengesin momosefanin niwinimang 1/2 monien nounou, bonds och taropwen siwinin niwinimang, taropwen pwan, taropwen sopai me ekkoch sakkun tufichin tumunun meinisin tetten.

(6) Epwe forata napanapen me namwoten an niwinimang me met a anusano, me ewe napanap ren met epwe fis, mumuta me kamon.

(7) Epwe tongeni sueni ika pwan sue non pusin itan: Iwe nge esapw ewe Legislature-un Chuuk ewe Muun State an Chuuk ika ewe Muun Trust Territory epwe feiengaweni sakkun niwinimang an ewe Authority, ika fen pwan och angangen kapung epwe tori ewe pungun Trust Territory fan asengesin ewe Legislature-un Chuuk, ewe Muun Trust Territory ika ew kinikinikisin kewe ika ewe Muun

Merika pokiten mwokutukutun forien ika kamo non ewe Authority noun nouwwis, chon angang ika noun agents.

(8) Epwe pwan finata noun nouwiis sou-annuk, agents me choon angang epwe anomu fan pochokunen me wisan, iwe pwan forata me awora niwiniir non ar angang ren ewe Authority epwe finata, pwan amonata kaworen bonds non fan asengesin fetaneochun angangen wisan kewe me moni aukukun ekkewe bond.

(9) Epwe atou, fiti pungun an annuk(laws) met sakkun mwokutukutun epwe namot ika punguseni fetan meni chok an kewe pochokun.

(10) Epwe fori pwan ekkoch foffor fan pochokun ren met epwe namot me pungungeni affetanin ekkewe pochokun tichikitiw mi kawor ngeni.

(11) Nenengeni me emurinono namoten taka.

(12) Epwe finata me awora agent ika agents ar repwe angang fan iten ren tumuni ei annuk ren ioni moni mei tonong seni taka.

(13) Epwe nemeni me isoni moni.

(14) Epwe tipeew ne angang fengon me menni ika meinisin copra stabilization boards me commission ika sakkun mwlich ren an epwe fataneoch won fatoch amomon taka ngeni ekkewe nenien angei taka me non fonufan.

(15) Epwe fori ekkoch mwokutukutun mei namot me auchea an epwe tongeni fori an kewe pochokun mei fen affat ika pwe mei tongeni fori an kewe pochokun mei fen affat ika epwe pwan affat ngeni.

Tetten 5. Nemenamen ewe Authority.

(1) Ewe Authority epwe nom fan nemenien me pochokunen ewe Board of Director ewe epwe nimon choon ar repwe kefinita ngeni ukukun ruwanu ier seni ewe Kepina fiti auraeen me tipeewin ewe Legislature-un Chuuk.

(2) Atun a wor neeni a poununo me non ewe Board of Directors iwe ewe neeni ika wiis epwe ammosou seni kefinita ika finien ekkewe nussun directors, iwe io ewe a kefinita epwene sopweno ewe nussun fansoun ren ewe a siwini.

(3) Ewe Board mei tongeni atou ion director seni wisan pokiten nipwakingaw, ese fori wisan, ika pokiten an atai annuk.

(4) Monun ewe Board of Director repwe angei niwin ren ukukun iniik chana ew ran atun ar wesewesen fori angangen ewe Authority. Ika emon monun ewe board mei fen angang ngeni Muun Trust Territory ika Muun ewe State an Chuuk epwe chok angei wesewesen niwinin we me non an angang atun ewe board mei efisi an mwiich ren siwinin ewe niwin. Monun ei board repwe angei per diem me pwan aninis ren met epwe fisita atun sai ren met mei auchea ngeni pwonuetan wiseer me non ei sopun non ewe napanap mei fiffis ngeni chon angangen muun.

(5) Epwe wor ekkei tettenin nouwiis non ewe Authority: Ewe Meiniap(Chief Executive Officer) emon chon isois moni me emon seketeri. Ekkei nouwiis repwe kefinita me ren ewe Board of Directors ren annukun wiseer esap nap seni ruwanu ier. Esap wor emon chon ewe board epwe nouwiis ika chon angangen ewe Authority. Ekkewe nouwiis non ewe Authority repwe tongeni tou seni wiseer ren met mei affat me non annukun(by laws) ewe Authority.

(6) Ewe Kepina epwe wisen nikinikitiw non ewe wisen chairman fan asengesin an epwe chok akkokou ewe aewin mwiichen board. Non ewe aewin mwiich ewe Board of Directors epwe finata noun chairman non uttut ren ion chok a chommong an uttut. Ewe chairman mei tongeni ekkesiwin seni monun ewe Board of Directors ren pungun uttut won ru-ne-unungat.

Tetten 6. Bylaws. Ewe Board of Directors, seni pungun uttut ren chommongun monun ewe Board mei tongeni etiwa ekkesiwin siwini-enong ika ataieno ewe annuk(bylaws) ren ewe Authority ika pwe rese ungeni ei sopun, fan asengesin tumunun me mwokutukutun angangen ewe Authority, affetanin ika annukun mettochun, kootun napanapen me mwiichen ewe Board of Directors wisen ekkewe nouwiisen ewe Authority ekkewe nouwiis repwe awora bonds me aukukun me pwan ekkoch mettoch ese ungeni popun me wewen ewe Authority; Iwe Nge ewe bylaws esap ekkesiwin ika katano non ese nifinifin mwiichen board of directors

chinoon chok ika mei wor esinesin mei mak non taropwe ren och anapanapen ekkesiwin ren ewe bylaws epwe titino non annukumukun taropwe ngeni emon me emon director ruu wiik me mwen ewe mwiich.

Tetten 7. Chek. Ekkewe puuk me taropween ewe Authority epwe wesewesen chek iteiten ier, atun chok an ewe Kepina finata seni chon chek mei wesewesen tongeni cheki (auditor) an ewe Kepina epwe pusin finata. Chekin ewe Authority mei tongeni fiffis ika pwe ewe Kepina e mefi pwe mei namot.

Tetten 8. Kepichino seni Takises. Iei a fen pwa o affateno pwe popun an foruta ewe Authority pokiten fan iten aramas ren met mei namot ngeni aramasen Chuuk, ren ena weweiei mine ewe Authority esap takises tori ekkewe pisek ika fonu mei aea ika fen mwokutukut me angangen ewe Authority.

Tetten 9. Niwinimangen ewe Authority esap an Muun. Niwinimangen ika met ururun an ewe Authority esap och niwinimang ika ururun an ewe Muun Trust Territory ika och kinikinin kewe ika ewe Truk Legislature ika ewe Muun State an Chuuk ika fen ewe Muun Merika nge epwe pusin wisan ewe Authority an epwe wisen mesemes won meinisin.


Tetten 10. Repotun Iteiten Ier. Ewe Authority epwe awora ngeni ewe Kepina me ewe Truk Legislature nefinen tiwe raan murin sopenoon ew fiscal ier ew repot mei wesewesen kapunguno seni monun ewe Board of Directors repwe uatiw itan me nenian ewe Authority epwe awora taropwen porausen ewe angang ren win me nuus ren ewe ew ier akkom me porausen monien mei nom non pisekin me met ar niwinimang ren nesopenoon ew ier, pwan uatiw itan me nenian meinisin ekkewe directors me nouwiisen ewe Authority. Ei repot epwe kawor ngeni aramas nge esap kammo.


Tetten 11. Kirikiringaw, churi ngeni ewe Authority. Ioon director, nouwiis, chon angang ika agent ngeni ewe Authority e kirikiringaw ren angei mwani moni, sonani, ika seni wesewesen mochenin amwani nounoun moni, monien niwinimang ika nongonongun pochokunen ewe Authority ika ioon seni wesewesen mochenin ren amwani puken, repot ika porausen ewe Authority ika fori ekkoch sakkun foffor ren ekiekin an epwe churi ika kirikiringaw ngeni ewe Authority ika ion aramas ese nifinifin mei wesewesen sinei an anisi

ika emon director, nouwiis, chon angang ika agent ren atai ei
Tetten epwe tipis ren tipis watte, iwe atun a tipis epwe pakking
ren an esap nap seni \$5,000 ika kanupus ren an esap nap seni
ruu ier ika ir me ruoch.


Tetten 12. Copra Stabilization. Ewe Authority epwe angang
ren tipeew fengen me ewe Micronesia Copra Stabilization Board tori
fansoun an epwe katano ewe Micronesia Copra Stabilization Board ika
katano pochokunan ren taka mei amomo non Chuuk. Esap wor och me
non ei annuk epwe ataino pochokunen ewe Executive Order 115 nge ren
fan asengesin popun ei annuk an epwe forata ew unusen State
Authority an epwe angang fengen me ewe Micronesia Copra Stabilization
Board tori atun an ewe Truk Coconut Authority epwene angei meinisin
ekkewe nomenem.


Tetten 2. Poputan Pochokunan. Ei annuk epwe poputa pochokunan
fansoun an kapunguno me ren ewe Kepina, ika atun chok an pusin winito annuk,
nge esemwo pwan chikwen kapunguno.

Sain seni: 
Tadashi C. Wainit, Speaker
Legislature of the State of Truk

Annotata: 
Datus Albert
Legislative Clerk/Secretary
Legislature of the State of Truk

Pwinin maram: _____

Kapunguno seni: 
Erhart Aten, Kepina
Truk State Government

Pwinin maram: 
April 27, 1979